



Sesida dals

Communitgà il

Protocol nr.

28 da favrer 2023

1. da mars 2023

155/2023

Dumonda da la fracziun da la PPS

concernent custs, cifras e fatgs areguard l'alloschament e l'assistenza da fugitivas e fugitivs sco er da requirentas e requirents d'asil en il chantun (emprim sutsegnader Salis)

Resposta da la Regenza

Tar la dumonda 1: Ils 20-02-2023 era l'occupaziun dals centers d'asil, dals alloschis e d'indirizs sumegliants en il chantun 64,74 %: 516 persunas dal sector d'asil usità e 471 persunas da l'Ucraina cun status da protecziun S.

Tar la dumonda 2: Per lieu e per stabiliment vegn definì in dumber da plazzaments maximalmain pussaivel che po per in curt temp vegnir surpassà minimalmain, sch'i dat stretgas da plazzaments. L'onn 2015 è il dumber da plazzaments maximal vegnì surpassà l'ultima giada per intginas emnas. Actualmain èn 14 alloschis collectivs en las suandantas vischnancas prontos per il diever: Arosa, Cazas, Tavau (2), Mustér, Cuira (4), Churwalden, Grüşch, Laax, Roveredo, Trimmis e Val Müstair sco er il center d'expulsiun Flüeli. Sche necessari stattan mintgamai a disposiziun in alloschi pli grond sin il territori da la vischnanca da Luzein, da Samedan sco er in stabiliment sutterran a Cuira per als prender en funcziun entaifer in curt termin.

Tar la dumonda 3: La cumpart da persunas dal sector d'asil e da fugitivs en connex cun accziuns da la polizia/proceduras da retschertga/proceduras penalas importava l'onn 2022 4 %, quella da persunas cun status da protecziun S 0,1 %. Tar las persunas dal sector d'asil e da fugitivs sa tractavi da las suandantas naziunalitads: Eritrea (17 %), Algeria (14 %), Irac (10 %), Afganistan (8 %), Georgia (8 %), Siria (7 %), Serbia (5 %).

Tar la dumonda 4: Totalmain 1798 persunas da l'Ucraina èn vegnidas assegnadas al chantun Grischun, da quellas 1738 persunas cun status da protecziun S (stadi 20-02-2023). Ils 20-02-2023 sa strategnevan 1415 da quellas persunas en il chantun Grischun.

Tar la dumonda 5: Ils 20-02-2023 sa chattavan totalmain 1361 persunas dal sector da fugitivs e d'asil en il chantun Grischun. 822 persunas abitavan ordaifer las instituziuns existentas dal chantun (en alloschis privats). 203 persunas Afganistan, 3 persunas Albania, 2 persunas Angola, 17 persunas Etiopia, 1 persuna Bosnia, 34 persunas China, 1 persuna Costa d'Ivur, 236 persunas Eritrea, 31 persunas Irac, 21 persunas Iran, 5 persunas Camerun, 2 persunas Congo, 13 persunas Cosovo, 1 persuna Croazia, 1 persuna Libia, 2 persunas Nigeria, 4 persunas Pakistan, 3 persunas Russia, 17 persunas Serbia, 41 persunas Somalia, 48 persunas Sri Lanka, 3 persunas Sudan, 76 persunas Siria, 1 persuna Tansania, 45 persunas Tirchia, 1 persuna Uganda, 1 persuna Belarus, 8 persunas senza naziunalitad, 1 persuna derivanza nunenconuschenta. 945 persunas da las 1415 persunas da l'Ucraina abitavan – stadi

dals 20-02-2023 – en alloschis privats. 980 persunas cun il status da protecziun S vegnivan assistidas tras ils servetschs socials chantunals (stadi 20-02-2023).

Tar la dumonda 6: Las consequenzas finanzialas èn dependentas da la durada da la dimora en il chantun Grischun. Requirentas e requirents d'asil, persunas admessas provisoricamain, persunas cun status da protecziun S sco er fugitivas e fugitivs reconuschids ed admess provisoricamain èn ils emprims onns per regla senza activitad da gudogn e vegnan promovids linguisticamain e professionalmain en il rom da l'Agenda d'integraziun svizra AIS. Dependentalmain dal status paja la Confederaziun al chantun resp. a las vischnancas pauschalas globalas che vegnan impundidas per sustegnair questas persunas. En il rom da l'incumbensa Niederer dals 09-12-2015 concernent ina solidarisaziun pertutgant ils custs da l'agid social per las fugitivas ed ils fugitivs reconuschids ha la Regenza adattà il pajament da las pauschalas globalas a las vischnancas a la dimensiun dal dossier da las fugitivas e dals fugitivs reconuschids ed admess provisoricamain. Emprovas da controlla han mussà che las prestaziuns da sustegn vegnan per gronda part cuvridas cumplettaimain cun il mecanissem da distribuziun. Sin basa da la pratica vertenta na resultan al chantun ed a las vischnancas ils emprims 5 resp. 7 onns en il sector da las prestaziuns da sustegn perquai naginas u relativamain paucas expensas.

Tar la dumonda 7: Abolids èn vegnids ils posts da polizia a Martina ed a Campocologno. A Castasegna vegn l'infrastructura da biro anc adina duvrada. Cun la strategia chantunala d'immobiglias èsi vegnì concludì da crear nov fermes centers administrativs regiunals repartids en il chantun. Otg da quests centers èn vegnids realisads en il fratemp. En tut ils centers è er la Polizia chantunala dal Grischun sa chasada. Ord vista tactica, organisatorica è la Polizia chantunala dal Grischun oz, sa basond sin la mobilitad ch'è vegnida stgaffida en il sector d'informatica e da vehichels ils ultims onns, fitg agila e betg pli dependenta dal lieu. La centralisaziun da las forzas en l'Engiadina Ota, en il Puschlav ed en l'Engiadina Bassa è sa cumprovada e promova la preschientscha mobila da la Polizia chantunala dal Grischun en l'entira regiun d'acziun. Questa circumstanza ha in effect positiv sin ils temps d'intervenziun. Sin basa dal svilup social èsi daventà fitg difficil da pudair tegnair persunal en las valladas al sid. Lieus da servetsch pitschens èn antiquads e na sa laschan er betg render cumpatibels cun la pretensiun da plazzas da lavur attractivas.

Tar la dumonda 8: La Confederaziun conceda la pauschala globala e la part da basa da la pauschala per l'agid d'urgenza mintga quartal; la part da cumpensaziun da la pauschala d'agid d'urgenza e la pauschala per ils custs administrativs vegnan dentant pajadas annualmain als chantuns. Ina publicaziun mensila da las cifras actualas n'è perquai betg realisabla. Ils custs ed ils retgavs effectivs chattan ins en il quint annual chantunal sut il sector d'asil e las cifras da la statistica d'asil publitgescha il Secretariat da stadi per migraziun

(www.sem.admin.ch/sem/de/home/publiservice/statistik/asylstatistik.html).



En num da la Regenza

Il president:

Peter Peyer

Il chancelier:

Daniel Spadin